



Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. 5. Explicantur ultima sex conditiones confessionis.

urn:nbn:de:hbz:466:1-37144

saturna tormenta & supplicia &c. III. est metus alicujus infamiae, ex peccatorum Confessione incurrende apud Confessarium, & temporalis damni; si quid restituendum jubeatur. Huic objicienda est æterna ignominia, & bonorum æternorum certissima iactura. IV. est diffidencia & desperatio alicujus peccati vitandi, & contrariae virtutis v.g. castitatis obtinendæ. Huic opponenda est delibera-tio non peccandi amplius; gratia, quæ ad id præstandum confertur in hoc Sa-cramento; subsidia, orationesque Confessarii; Angeli-Custodis, Patronique tutela, & præsidium.

ARTICULUS V.

Explicantur ultima sex condicio-nes Confessionis.

76. Condicio XI. *Secreta:* id est, ut non fiat publicè coram aliis audientibus, sed coram solo Sacerdote; unde & auricularis dicta est. Non enim tenetur pœnitens alio præter Sacerdotem audiente confiteri: quod satis indicatum est in Cap. *Omnis utrinque sexus. de penit.* & remiss. per particulam *Solus*: & novissime in Concil. Trident. sess. 14. c. 5. est aperte expressum. Etsi enim Christus publicam Confessionem, hoc est, quæ sit publicè aliis audientibus, non prohibuit; præstat tamen, & rationi magis consentaneum est, eam facere secrerò, ne, dum quis majorem peccatorum suo-rum vindictam, sive humilationem querit, aliis per eam publicationem la-pidem offendis ponat, & petram scandali. Unde sat sibi constat, non esse qui-dem de necessitate Sacramenti, ut sit se-

creta, neminem alio præter Confessarium & pœnitentem conscientio. Sed adhuc plu-ralia non inutilia, quæ ad rectam hujus conditionis intelligentiam facere possunt, deduci queunt.

77. I. Est, neminem per se loquendo obligatum esse ad Confessionem fa-ciendam per interpretem. Bonac. D. 5. q. 5. f. 2. p. 2. §. 2. n. 2. Navar. c. 2. n. 5. Reginald. I. 6. c. 3. n. 80. Navar. in Cap. *Fratres. dist. 5. de penit.* n. 85. & alii com-muniter. Non enim credendum est, hoc Sacramentum ita institutum esse, ut fiat cum tanto incommodo, quantum esset in eo, quod quis prius alteri quam ipsi met Confessario teneretur sua detegere peccata. Potest tamen contingere, ut pœnitens quandoque teneatur uti inter-prete, ut si in articulo mortis constitutus advertat, se non posse perfectam de pec-catis gravibus, à quibus hactenus neque direc-tè, neque indirectè unquam sit ab-solutus, conffitionem elicere. Bonac. n. 23. Galii.

78. II. Neminem quoque per se lo-quendo obligatum esse, peccata sua in particuliari confitenti coram aliis audientibus. Nam & hic modus confitendi, ut appareat, est publicus, ad quem nemo ob-ligatur, imò, ut Coninch. D. 6. d. 2. n. 5. tradit, cùm id nimis durum esset, nec le-ge humana obligari potest: quod addo, quia hic lex naturalis dictere potest, ut quis sua peccata, saltem quæ minus pro-brosa sunt, teneatur palam aliis audi-entibus manifestare in ordine ad ab-solutionem Sacramentalem obtinendam: v.g. in communi periculo naufragii, pe-ñitentia, prælii jamjam inchoandi &c. si nimis et & hic advertat quis, se non esse

esse contritum, ideoque tantummodo ope Sacramenti re ipsa suscepit posse divine gratiae testitu. Coninch n.5. Reginald. n.78. ubi refert Canum in *Relect. de pœnit.* pare. 6.

79. III. Illicitum esse peccata sua, aliis audientibus confiteri, si nulla causa justa subsit. Bonac. n.23. Reginald. n.84. Navar. in *Cap. fratres. Diff. 5. de pœnit.* n.90. *Egalii:* quia nemo sine justa causa potest suam famam prodigere, uti prodigeret, qui aliis audientibus confiteretur. Sed hoc peccatum non est maius, quam veniale. Dixi autem: si nulla justa causa subsit; hac enim existente, possit aliquem sua peccata publicè confiteri, tradit Reginald. n.79. Navar. c.2. n.5. Unde obiter

80. Patet, quam malè & inconsultè agant, imò etiam graviter peccent Sacerdotes, qui multos pueros, etiam dolijam capaces, simul in unum congregatos audiunt; injuriam enim faciunt huic Sacramento, eo ad jocum & risum abutentes: agnitusque contra clarum textum dicti *Cap. Omnis utriusque.* ubi expressè statuitur, ut, qui ad annos discretionis pervenerit, solus omnia sua peccata proprio Sacerdoti confiteatur. Reginald. n.85. Bonac. l.c. *Egalii.*

81. IV. Confessionem non esse necessariò faciendam per scripturam. Reginald. n.80. Navar. c.21. n.36. *Egalii:* cùm enim scriptura sit signum permanens, & facilè amitti possit, nata est ad peccatum etiam alteri, quam Sacerdoti, cui fit Confessio, manifestandum. Proinde si quis loquelâ destitutus non possit voce aut alio signo confiteri, non tenetur peccata sua scripto consignare, ut ea postea tradat Confessio legenda. Nihilominus tamen & hīc

R. P. Stoß Trib. Pœnit.

evenire potest, ut quis ad huac modum confitendi sit obligatus, si nimis sibi videatur non perfectè contritus esse, & simul sit in proximo mortis periculo constitutus; tunc enim, si aliter non potest, tenetur, sicut per interpretem, ita & per scripturam confiteri.

82. Quin & extra casum necessitatis fieri potest Confessio per scripturam, si nimis quis ob magnas angustias vix aut ægrè loqui possit, vel magnum pudorem & verecundiam sentiat, (quod adolescentibus & pueris in grave & turpe crimen lapsis evenire potest) consuetudo enim proprio ore confitendi, de qua paulò post, non videtur tam graviter in hoc vel simili casu obligare. Et hinc si quis forte ad exonerandam & semel penitus expurgandam conscientiam velit generalem Confessionem à prima pueritia instituere, & verecundetur ac difficultatem non modicam sentiat in peccatis coram Confessario oretenus recensendis, poterit is peccata diligenter secundùm speciem, numerum, & circumstantias necessarias expressa, & in scripta charta offerre Confessario, dummodo ad absolutionem accipiendam se postea præsentem sistat, dicāque ore hæc verba: *Accuso me de his peccatis, quæ ego scripsi,* & R. V. legit. Neque hic confitendi modus est contra decretum Clementis VIII. eo enim prohibetur, ne absentiat Confessio per scripturam, & ab absente quoque absolutio obtineatur: neutrum horum sit in nostro proposito, ubi & Confessio & absolutio sit per præsentem, sit patet: sed penes Confessarium est judicare, an hoc in particulari casu fieri expediat: & si hoc modo Confessionem admittere nollet, non posset ulle

Q

jure

jure ad id cogi, nisi fortè proprius & ordinarius pœnitentis pastor foret: prout ergo ille mite hac in re tulerit judicium, ita res procedet.

83. V. Confessio debet propriis ipsis pœnitentis verbis fieri, si quidem possit. Reginald. n. 81. Bonac. n. 25. Coninch. d. 1. n. 3. & alii communiter. Etsi enim ad Sacramenti essentiam nihil intersit, voce, an alio quoquaque signo externo & sensibili peccata pandantur, (nam Christus nihil certipræscripsit, neque natura Judicii certum modum accusationis postulat, modò crimina Judicii sufficienter innotescant) nihilominus tamen, cùm DEUS peccata mortalia non aliter velit ordinariè dimittere, nisi interveniente Sacerdotis absolutione (si haberi possit) necessarium omnino est, ut, quoniam Sacerdos prudenter & discretè non potest nisi cognita dimittere, aliter verò cognoscere non potest, nisi à peccatore manifestata, signis exterioribus declarentur. Et licet Confessio Sacramentalis possit, ut vidimus, ex sua institutione & naturâ quoquaque signo externo propriæ accusacionis de peccatis fieri, Ecclesia tamen traditio, & universalis consuetudo, fideliumque praxis declarat, eam debere fieri propriæ vocis sermone, si pœnitens loqui possit; hic enim modus est omnium optimus, cùm verbis optimè exprimamus animi nostri sensa: & quia communis Ecclesiæ usus, ut dixi, receptus est, omnino est observandus. Sed hic modus propriis verbis aut voce confitendi, cùm juxta paulò ante dicta non sit tam necessarius, ut Confessio aliter facta reddatur invalida, idcirco si causa aliqua subsit, potest in casu necessitatis etiam nutibus aut scripturâ

fieri: nam & nutus (idem est de scriptura) sunt loco vocum, nec minus apti sunt, ut faciant publicum sive notum Sacerdoti illud, quod exprimunt, quam voces ipsæ. Et ex his patet, quo modo mutus, surdus, aut ignarus cuiuscunquam lingua, quam Sacerdos calleat, juvare se possint, cùm vel liberè & ex præcepto confiteri volunt. Reginald. n. 81.

84. Conditio XII. *Lacrimabilis*: non quod facienda sit cum externis lacrimis, suspiriis, lamentis, ejulationibus, &c. sed cum vero peccatorum dolore & detestatione, ac proposito deinceps non pecandi; hi enim aetas sunt in nostra potestate: at verò lacrimæ non sunt in nostra potestate, & tam haec, quam etiam gemitus & lamenta sunt nonnunquam affectata, & causa, ut verborum vis & distinctio prorsus non percipiatur: ex quo non potest non creari magna molestia tam pœnitenti, quam ipsi Confessario: illi quidem, quia sic malè percepta debet repetere; isti verò, quia repetita debet denuo audire. Præterquam, quod ea commotio, si nimium increbat, plurimum ingenio incommodebat, atque ipsos etiam sensus perturbet. Quamobrem hæc tanta profusa lacrimarum, & plusquam muliebris vociferatio, etsi laudanda non est, tamen si & lacrimæ & gemitus moderatè fiant, neque impedimentum ponant confessioni, magnopere sunt commendandi.

85. Conditio XIII. *accelerata*: Sicut promissio sine die & conditione statim obligat, non quidem ita, ut statim item solutio sit urgenda, allato, quod ajunt, *Sacco ad id*, quod promissum est, excipiendo; hoc enim inurbanum esset: sed ut Navar. in cap. cir. Fratres. n. 17, notat, exspectant

spectandum est ad minus descendium : ita etiam præceptum Confessionis statim à peccato perpetrato obligat , non tamen ita, ut etiam statim absque ulla interposita mora paulò longiori ad Confessarium sit volandum : hoc enim esset intolerabile, cùm sepe intempesta nocte ad Confessionem properandum esset ; sed ne diu post lapsum differatur, si confitendi commoditas adsit. Id tamen tantum est de consilio , non præcepto , Reginald. n. 88. Bonac. n. 27. & alii : cùm peccator possit se per contritionem in pristinum gratiæ statum restituere : quod equidem, ut quamprimum à perpetrato scelere faciat, expedit, idque ob rationes suprà n. 37. allatas.

86. Conditio XIV. *Fortis* , id est, facta cum tanta animi constantia , ut pœnitens non sinat se ulla tentatione, aut humano respectu superari ad negligendam vel omittendam Confessionem , vel ad aliud , præ pudore & timore amittendæ fortassis bonæ existimationis, quam de ipso Confessorius habet , quidquam prætermittendum , quod alioqui necessariò dicendum esset ; neque enim jaætura præcisè illa bonæ apud Confessarium famæ tantum malum est, ut ob id quidquam possit in Confessione reticeri. Coninch. D. 7. d. 9. n. 76. Unde pœnitentias verecundiam ex manifestatione huiusmodi occultissimorum peccatorum suboriri solitam debet vincere , amat enim diabolus in hac tam salutari manifestatione , non in ipsa sceleris patratione , immo & quandoque in narratione coram quolibet alio (modò Confessorius non sit) pudorem ponere, ut sic facilius homines improvidos in tartarum impellat. Ad hanc tamen conditionem

sufficit ea fortitudo , quâ quis sive peritem dicendo , sive ad interrogata à Confessatio respondendo cupit omnia, quæ necessariò confitenda sunt , confiteri, ita ut timor non dominetur in animo ad multilandam Confessionem : timore enim ita prævalente, ut pœnitens eo perculsus statuat , peccatum aliquod alias necessario confitendum omittere, sacrilegium committit , & ex sua timideitate in æternæ mortis damnationem incurrit. Et de sua hac pusillanimitate , quâ deterrebatur à necessarijs confitendis , & de peccato ipso, quod occultare voluit , tenentur postea dolere, & se accusare. Reginald. n. 89.

87. Conditio XV. *Accusans* : id est I. Sibimetipſi imputans peccata , & non alijs causis v. g. dæmoni impugnanti, vel homini incitanti, vel carni blandienti, vel complexioni naturali ad tale virtutem propensæ , vel calo & astris ad simile crimen inclinantibus , vel quod omnium pestilum fore & blasphemum , DE O ipsum non juvant ; non item socijs , quorum consilio vel auctoritate dicat se eō deducētum esse. Reginald. n. 3. & 99. & alii. Tales sunt adolescentes , & aulici , qui dum furtivos suos amores confitentur, dicunt, homines istius conditionis vix posse absque ipsis vivere ; tales sunt etiam mercatores , qui dum fraudes & furta confitentur, dicunt, ita moris esse in eorum tabernis &c. II. *Accusans* , non excusans sua delicta, hoc est, ut nemo prætexat causas, ob quas ea, quæ certò novit esse mortalia , apparent dubia , vel venialia : nisi fortè ea causa revera ejusmodi sit , ut illa supposita id , quod alioqui peccatum mortale esset, translat in veniale , vel etiam omnino nullum sit peccatum ; ut con-

Q 2

tingere

tingere potest, si quis ex inculpata obli-
vione aut inadvertentia comedat die ve-
tito carnes, aut die festo omittat Sacrum,
aut ex defectu plenæ deliberationis gra-
viter alienæ famæ detrahatur, grave malum
v. g. mortem alteri imprecetur, aut aliud
quid v. g. contra castitatem committat,
quod tunc, dum commisit, ignoravit esse
grave peccatum: ejusmodi enim vel obli-
vio vel ignorantia facit, ut, qui ex ea ope-
ratur, vel omnino non peccet, vel non
gravius, quam ipsi representetur; & idcir-
co, ne Confessarium in re gravi decipiat,
seque de peccato, quale non commisit,
falso accuset, necesse est, eam excusatio-
nem adferre. Denique IIII. accusans
se, & non alios. Reperiunt enim per-
sæpe, qui non sua ipsorum, sed aliorum
celera recenseant longo ordine & serie:
sic virti uxorum, uxores virorum, domini
servorum, servi & ancillæ dominorum &
dominorum, alii aliorum recensent pec-
cata: sed hi utique male agunt; id enim
non est Confessio ad absolutionem obti-
nendam idonea, sed mera calumnia, de-
tractio, vanitas, & peccatum grave, pro-
cul à reverentia utilissimi Sacramenti re-
movendum. Quid de complice manife-
stando tenendum sit, jam suprà n. 44. ex-
plicatum est.

88. Condicio XVI. Parere parata:
id est, pœnitentia sit animo dispositus, ut
paratus sit obedire in his, quæ ei Confes-
sarius injunxerit, videlicet ut remedia pec-
catorum, quæ ille suggesserit, acceptet;
consilia & monita, quæ dederit, sequatur;
occasiones, quæ ab eodem prohibitæ fuer-
int, fugiat; pœnitentiam, quæ in satisfac-
tionem, vel medicinam fuerit injuncta,
exquo animo suscipiat &c. Bonac. n. 30.

Reginald. n. 91. Henricus I. s. c. 4. n. ii.
Hæc conditio partim est in consilio, par-
tim in præcepto. Et quoniam occasione
hujus conditionis opportunum est aliquid
dicere de pœnitentia imposita accepta-
tione, sit porro

ARTICULUS VI.

An pœnitens teneatur acceptare pœ-
nitentiam sibi à Confessario
impositam.

89. Cajetanus T. i. opusc. tr. 6. q. 2. a. 1.
apud Coninch D. 10. d. 9. n. 77. putat,
non esse obligatum, sed posse pœnam pec-
catis debitam differre in purgatorium.
Scotus apud eundem Coninch putat,
eum quidem non esse obligatum ad ac-
ceptandam pœnitentiam, sed tamen, si
acceptaverit, adimplendam. Hanc sen-
tentiam variis variè notant: alii vocant er-
roneam, alii temerariam, alii improbabili-
lem. Quibus tamen censuris non obstan-
tibus adhuc pro Scoto stat Reginald. I. 7.
c. 2. n. 14. & Diana 3. p. tr. 4. R. 51. & p.
2. tr. 15. Miscell. R. 52. ubi quatuordeci-
m Auctores pro eadem refert, dupli-
citer potissimum fundamento nixos. Quorum
primum est, quod alioqui, si omnia in hac
vita expienda sint, frustra futurum sit
purgatorium. Alterum vero est, quia
quando sunt plures modi solvendi idem
debitum, penes debitorem est electio
modi, quo debitum solvatur, juxta Reg.
Jur. in 6. In alternativis debitoris est elec-
tio: sed pro pœna, peccatis remissis re-
manente & adhuc debitâ, variis sunt sol-
vendi modi, vel per spontanea opera, vel à
Sacerdote injuncta, vel per indulgentias,
vel per pœnas in purgatorio sustinendas,
vel